



10101

蘆政疏序

長樂郡
振鐸西
請并

逢歲癸卯不佞奉

同治

國朝
甲子

命按齊魯巡方糾答

外時得程文課士因識繕

部了君子諸生中幸

齊郡
丙午

標玉映不翔雞群鶴也
首列之已而登賢書舉
進士出宰巖邑晉南信
部郎不佞亦以請
告歸里者若干年茲復

被命起官棘寺聚首留
都夙誼藹然間典之上
下今古揚乾時政以至兵
車水土示準之炎鑿金之
指掌一日手一編以示曰

此其主政時所草蘆
政疏也余讀卒業而色為
動曰吾向猶得子于皮毛
乃之得子之肝膽矣夫蘆
政不過一江千稅課已耳

頃者啟福藩之羶慕
言者累牘爭之不能得
而疏首謂

上供服御取辦南工南工
帑藏係于蘆政則蘆政

之係匪細矣且不為國
憂無課而憂無民不為
民憂無利而憂無業纒
纒千言眈懇切至倘疏上而
聖明萬一其有省也必不

至細視蘆政而輕於予
即疏行而福藩憬乎其
蚤計也亦必不敢易視
蘆政而固以請是子之忠
悃有溢于言外者子之心

良苦矣至於洲必予丈
丈量以時毋漲不混而踈
密各別委任舉劾精詳
曲當又何其諳而練周晰
而靡遺也吾聞蘆塲句南

直以至黃州等界強半
屬

高皇帝之湯沐其所為
惠養元者殆非一日設
之政而以委諸部臣匪直

以廣水衡夫亦以肅萑苻
而貽半壁之安寢得茲
繕部君之申畫而祖功宗
德犁然具存以造福也
繕部君起曰唯之否之余

小子亦惟是競之瘝曠之
懼據官申職據職申政
政無闕失足矣謂哆口
時事夫何敢嗟乎此吾
所為讀子疏而有動也

天下事不難議而難任議
恒浮于任而任多撓于議
歟之紛爭今日 國何
賴焉吾又安得百子其人
百子其心布中外以消杞

憂耶進此而登三事九列
其為 國家任鉅肩宏當
何如茲疏足券矣因為序
而授之梓云
賜同進士出身中順大夫

應天府府丞前南京大理
寺右寺丞福建道監察
御史巡按山東等處奉
勅督理京通二倉兼管通
惠河道行人司行人

通家侍生嚴一鵬頓首
拜撰



習 菴 蔬 蔬 草 亦 序
今 人 動 祿 老 成 持 重
彌 當 安 以 無 事 為 習
余 每 之 易 之 行 水 行 所
無 事 了 了 若 不 事 之



為老成是謂止所無事
國家奚仗焉工部稱
水部而督老愚政者
關國課民生為事最
重西第云核完虧汰

冊科漲而已豪強
之侵牟洲民之流散
如向出斗塘劉君所
彈治魚巨占二洲系
千金事疏十餘上至

今利賴之吾寅友丁
俊游晉書盧德疏所
舉勅省司以按故事
而偶值福藩請沿
江洲租七千有奇歸

之掌握有司將不能問
非君草疏請予

上即賢王指令名



而江民受實實害百年
未已也是不可以無

刻予故為予見若
能當事與不事之別
此其一班矣

乙卯秋日同客印
武林黃汝亭書

白內署中





南京工部管理蘆政營繕清吏司主事丁自勸
謹

題為敬循職掌備陳蘆租徵解之例懇祈

聖明洞鑒特免以安民心以奠根本重地事臣自本

年三月內奉本部

題委督理蘆政隨於四月初一日到任受事昕夕

冰兢懼負任使頃接邸報見

福王奏稱南直隸地方自江都至通泰沿江兩岸

新漲水佔蘆田係指揮馬尙仁

奏稱徵租伏望准臣所奏

勅下戶部移南京部院各該撫按守備等官將見徵蘆田等項文冊一併交送臣府自行管業徵收奉

聖旨着戶部行各衙門查明給與欽此卷查沿江蘆洲按畝起科歲徵銀四萬七千八百兩有奇以供

上用袍服器皿

陵工城垣并一切不時傳造之費二百年來節經

明旨申飭炳如日星蘆灘分稀與密以別其等而稀

蘆密蘆之外又有草灘泥灘洲田分上與中以

殊其科而上田中田之外又有下田下稅且又

以大江南北之分作蘆田肥瘠之辨徵派有定

例督理有專官區歲以錢糧完欠分所司之舉

覈伍年以清丈增損定各屬之殿最法詳以密

民習而安二十七年下江地方有新漲洲田未
盡報官指揮馬尙仁指實具奏奉
旨着守備衙門選委內官一員會同撫按及工部備
查遺漏隱占洲蕩該守備衙門隨委太監党存
仁會同工部主事施浚明移文撫按及鎮江揚
州等府轉行有洲州縣查出丹徒丹陽崇明武
進江都通州如臯泰興等處田灘二十萬六千
七十七畝名曰

皇庄其田之肥瘠蘆之稀密與夫租銀之多寡一如
往例彼時責令佃戶陳錢穩等納價銀三萬七
千伍百七十餘兩又每歲徵租銀四千伍百四
十餘兩而上江地方如上元江寧句容江浦六
合當塗蕪湖繁昌貴池東流銅陵青陽懷寧桐
城宿松望江等縣無爲和州等州新經伍年清
丈比蘆課舊額多銀三千三百餘兩歸併於揚
州鎮等處四千伍百四十餘兩之內名爲

皇莊銀兩免其重復丈量此給兩之府各歲
皇莊籽粒之名所由起也總計上下江歲徵銀七千
三百兩有奇每年春夏之交內守備官劉朝用
類收
進解本朕仍覈實
奏聞此項錢糧雖不入工部之節慎庫而佃戶之
告冊告淤課銀之議派議徵實各地方官分任
其責臣部總理其事者也夫

福藩肇封

皇仁篤摯錫圭祚土特著隆恩

福王光昭令德首以樽節愛養培億萬年開國之
基各省贍養土田疏解其半遐邇臣民已於辭

陛入洛之初慶令聞之洋溢矣亦奚所資於六七千

蘆地之租銀必欲分

皇上額解之帑藏以自益耶至如交送文冊自行管
業更有萬萬不可行者蓋蘆地濱江出沒不常

滄桑倏變小民不時告罄告補州縣不時丈冊
皇上丈淤本職時時核查以釐奸弊總之指東補西
洲地原無定所裒多益寡課銀求足原額已爾
州人一經

福府管業而遷徙無常之洲灘可載爲冊中之
實數乎突遇衝決逐流而散可一一問諸水濱
乎且頻歲不登民窮轉甚每至徵收時候州縣
按冊而責之民本職又按冊而催之官文法稍

寬則玩日愒月有洲而未聞有課聲勢少急則
西竄東逃無課而併以無民夫多官協力以急
上供而又重以

皇上之明威猶且十欠二三歲無完租一經

福府管業而封疆闊絕靜以聽其自至而不得勢
不能不以催督之權旁假之人能必如職官之
中外相維大小相制競競奉法爲公而並無擾
于私乎竊恐管業之初憂在無課管業之後又

憂在無民矣且揚鎮等處佃戶納過佃價三萬
七千餘兩則江潁雖無可據之恒產而江民久
有承佃之定額據額求洲據洲納租民之沾塗
不足俯仰拮据者已視納價之額地爲已業矣
皇上一旦而改爲
土福府之王庄是清丈隱占之日有洲有租而因以
有價交冊管業之日有租有價而頃令無洲哀
哉窮民價不可返洲不可憑有不疾首感額相
對歔歔灑泣以添江流之溢者乎况

聖主貽謀率先節用

賢王砥德不以賄聞江洲蘆租計銀僅六七千兩
出之內帑雖云太倉一粒入之
藩府亦同泰岱織塵且水落洲出水泛洲沒衝則
豁租淤則陞科尺籍中有定額而無定洲歷年
來有備法而無定法交冊管業之難不俟再計
而決者臣用是不避煩

瀆仰祈

皇上爲藩封最便計爲江民釋隱憂

特諭內守備官劉朝用等將前項籽粒銀兩照舊

依期解

進而仍以勘丈催徵之責屬之臣部以及各該地

方有司官則

福府之辭蘆租更賢于辭贍養何也贍養搜括之額勢難取盈而蘆租查給之課已奉

明旨

皇上予

福府以辭蘆租之名更勝于予

福府以受蘆租之實何也財賦之入於

藩服者偏處其不足則義問之出自

藩服者偏受其有餘豈惟

皇上之止慈止仁光照中外將

福府之令德令名輝映後先矣臣不勝惶悚懇切

待

命之至緣係敬循職掌備陳蘆租徵解之例懇祈

聖明洞鑒特免以安民心以奠根本重地事理為此

具本專差舍人龍恩賚捧謹題請

旨

皇上

南京工部管理蘆政營繕清吏司主事下自勸

謹

題為例覈年終課銀以肅蘆政事先該本部題

准工部覆奉

欽依每年終管蘆司官將所屬各府州縣並各衛課

銀及南京內官監太監党存仁所派

皇莊籽粒銀兩俱查覈完欠數目造冊呈部分別舉

劾其全完者荐叙不及八分者量議住俸完日

開支不及六分者罰治全不完者提問俱各嚴
催完解如有侵那情弊坐贓論罪遵行在卷萬
曆四十年終例應查覈三十九年分蘆課緣
經管蘆政都水清吏司主事李天培以清丈巡
歷奔馳數月江濱之車轍甫停而梓里之訃音
遶至本官聞報丁憂回籍守制至本年三月十
三日奉本部題臣接管于四月初一日到
任將三十九年分欠課移檄嚴催兩月之內又
據各屬解到銀三千六百二十兩有奇通查前
官任內督催過本年分額徵蘆課及

皇庄籽粒分別完欠分數造冊呈報外合當遵例舉
劾除當塗縣知縣朱汝鰲太興縣知縣馮英湖
口縣知縣陳嘉言俱已陞任蕪湖縣知縣魏士
前青陽縣知縣鄭元昭俱已調繁江寧縣知縣
艾友芝已經劣轉江浦縣知縣蔡胤之已經告
病儀真縣知縣歐陽照丹徒縣知縣荆時薦旬

容縣知縣劉聘亮俱已降調望江縣知縣俞咨
 龍和州知州丁衍仁通州知州王芮貴池縣知
 縣游瑚宿松縣知縣吳時銑俱已去任青陽縣
 除附徵外實徵課銀六兩六錢八分九厘六毫
 數少易完例不荐論湖廣黃州府蘄州黃梅縣
 廣濟縣共額課銀二百二十六兩六錢一分一
 厘九毫據該屬申文及
 荆府長史司呈稱

荆王奏奉

明旨工部覆議將屬課自三十四年起至四十年止
 悉解本府修理

荆王府第候四十一年仍徵解部另行查覆以至
 各府州縣衛履任方新未經管理該年蘆課等
 官俱例不荐論外其全完者如桐城縣知縣馬
 煥賓繁昌縣知縣王柱銅陵縣知縣徐一科德
 化縣知縣江國選崇明縣知縣袁夢鰲彭澤縣

知縣許伯鵬才優經濟政善調停勤撫字不事
催科撫字到而輸將恐後裕

國計先督民隱民隱恤而額賦全收邁世循猷絕
倫異績所當薦揚以需殊擢者也完及九分以
上如上元縣知縣吳望岱掌無爲州事廬州府
江防同知賈熙載管安慶衛課安慶府江防同
知王可宗武進縣知縣楊所蘊如阜縣知縣周
承恩東流縣知縣趙維藩橫海衛指揮僉事顏

可畏龍江左衛指揮使余宗胤八分以上如江
都縣知縣李同芳六合縣知縣張啓宗江防衛
千戶朱睽以上各官心勞力竭而
國計慮軫民艱拮据于災沴頻仍之日民力竭而
務求足

國拊摩于疲瘠相望之秋私家困而督令急公所
當並荐以示激勸者也完及七分上如丹陽
縣署縣事本府通判張畏天管徵九江衛課九

江府江防同知陳師孔以上二員均應不及八

分之

明例住俸示懲但念天災流行逃亾接踵各該有司
加意撫循卽髮膚無敢自愛小民殫力以輸常
賦計額雖屬不足而心肉已自無餘則牧民者
之滿眼災疲一腔苦緒良亦可原完及五分以
上如懷寧縣知縣吳之才視額課爲可增可減
之數漫不經心藐催檄爲若有若無之文任其

過眼違

明旨而不顧如

若命何住常俸以無辭有

國憲在所當嚴行催解完日支開者也全未完如

江西南昌衛僉事陸文炳額徵課銀一百一十

餘兩一分不肯起解屢催若罔聞知豈其弁髦

明旨武夫有膽如天惟是侵漁正賦衛署無銀在庫

所當亟行提問勒限追完懲前戒後以振人心

于久翫之日者也再照揚州鎮江二府江海防
同知毛炯督催儀真縣課全完如阜縣完及九
分之上通州泰興俱完七分之上江都縣完及
八分之上總計本官所督之課未完者十之二
通論本官所屬之邑如例者伍之三振刷之精
力有餘稽查之勞瘁居多相應併荐以勵後効
鎮江府同知藥濟衆督催丹陽丹徒二縣完及
七分之上課未符乎解額情可原于災黎姑免

罰治之條仍嚴催督之令至于帶徵一欵二十
七年曾經題奉

欽依通行在卷立簿分限嚴催各屬徵解及查四十
一年惟應天府上元縣知縣吳望岱督解過三
十五年至三十八年欠課一百五十一兩有奇
江寧縣知縣艾友芝督解過二十九年至三十
年欠課一百三十二兩有奇儀真縣知縣歐陽
照督解過課銀四十八兩則係三十五年分之

欠租丹徒縣知縣荆時薦督解課銀八十二兩
則係三十六七年之積逋此皆殫心奉公賢勞
懋著已經分別去任見在照例叙薦外其餘未
完地方因循日久怠翫益滋况各官陞遷離任
已去者叅論難加于弛擔之後方來者責任可
委于蒞任之前甚至有已徵到官未行發解官
纔去任銀竟寢閣奸吏因以乾沒之計瘠公肥
私頑佃又以逋欠之套損

上利下如儀真懷寧等縣下普陳鈇等監守侵用
發覺多年追完無日隄防不急流弊何極且見
今經費繁多出者不可復入帑藏匱竭入者漸
上用袍服器皿

陵工城垣之需毫不可缺安可任其積怠成弛積
弛成玩泄泄然漫不爲之計乎除三十四年以
前拖欠在民者已奉

詔旨蠲免外似應嚴限帶徵自三十五年起至三十八年止共計欠課若干定爲分數每年終一併查考按課銀之多寡分督催之勤惰照例舉劾亦清賦救弊之一策也爲此具題伏祈

勅下吏兵二部將應荐同知賈熙載等紀錄知縣吳之才照例住俸指揮陸文炳提問嚴追併咨行撫按衙門知會仍候

旨遵照施行則人心知所勸懲而年終舉劾不爲虛文彼待舉劾于終年者或不至仍以虛文視也所有州縣衛分蘆課籽粒數目照依完欠分數備造方冊一本另報本部裁奪伏祈

陛下念袍服器皿等費之所出關係至重原與尋常經費不同而邇來支應日繁帑藏之窘乏殊甚若非年終查覈著實舉行有司漫不經心視爲故事安望額課之早完而無欠欠課之帶徵而如例也今各府州縣衛所等官旣經查覈詳明

相應分別舉劾遵例具報等因欽此

題伏祈 聖旨該部知道

勅下工部覆 欽此

請恭候 欽此

命下將薦叙者紀錄擢用應追提者追提應免罰者

定限勒完應住俸者照例住俸應帶徵者依限

帶徵而于侵欺員役尤加嚴究庶翫事者儆而

勤事者勸于帑藏大有賴焉通候工部移咨吏

兵二部并咨本部轉行各該巡撫都御史及南

京都察院轉行各巡按巡江御史一體欽遵施

行奉

聖旨該部知道

南京工部管理蘆政營繕清吏司主事臣丁自勸謹

奏為洲場清丈通完屬員功罪較著循例舉劾以

昭勸懲以肅蘆政事臣竊惟

上供服御取辦於南工而南工帑藏待充於蘆課故有專官以董其事有專

勅以重其權匝歲有課銀完欠之舉劾用獎勤而儆惰伍年有洲場坍淤之丈量以科有而豁無事

奏為洲場清丈通完屬員功罪較著循例舉劾以昭勸懲以肅蘆政事臣竊惟上供服御取辦於南工而南工帑藏待充於蘆課故有專官以董其事有專勅以重其權匝歲有課銀完欠之舉劾用獎勤而儆惰伍年有洲場坍淤之丈量以科有而豁無事

繁法密我

皇上之加意蘆政至拳拳也萬曆四十一年正值伍年清丈之期該前任督蘆主事李天培先期知會上下巡江御史周遠王萬祚及案行各府轉行江海防同知等官督率州縣衛各該掌印官將所轄洲場量丈明白畫冊造冊又親履沿江上下自南直隸以及九江黃州等處嚴查抽丈漲者陞科冊者豁課俱如成例巡行甫遍於屬

部
邑而聞計造歸乎子舍本官丁憂去後隨奉本

題臣接管于本年四月初一日到任視事查得各

屬造報冊數目舛錯駁查於前官巡行之日者十之八九臣移檄嚴催三月之後始得就緒通計所屬地方實徵課銀伍萬伍千九百三十八兩八錢一分伍厘八毫伍絲六忽七微九纖內新增課銀六百伍十八兩八錢二分六厘一

毫九忽六微九纖已將洲課數目文冊呈堂

奏繳另具清冊咨送工部備查去後但臣之所竭者僅一人手足之力而臣之所賴者實各官胼胝之勞竣役後例有舉劾除應天府江寧縣知縣解允淑江浦縣知縣余樞等才推越劍守重荆瑜循良不媿古人鴻駿佇觀異日履任方新畲冊之駁查雖經改正而洲場之丈量未獲躬親例不槩叙外訪得直隸揚州府江防同知毛

炯璠瑜粹品經緯弘才飭戎計靖萑苻督蘆人歌冰玉廬州府江防同知賈熙載潔守冰凝長才犀利保障名高金斗剔釐弊絕蘆洲鎮江府海防同知藥濟衆銛利匣中寶劍圓潔盤底明珠江沱澄清軍民樂利池州府江防同知李朝柱凜凜餐冰之守恢恢導窾之才風行屬邑澤潤荒洲太平府江防同知黃正色器宇凝定操修峻潔剔蠹清法外之姦恤困起溝中之瘠安

慶府江防同知王可宗品擬和璧才類吳鈞津
梁鈐柝常嚴洲渚兼葭向秀揚州府通州知州
張獻曷守絕纖塵才融百鍊隨一鶴以鳴琴凌
萬頃而縱葦直隸和州知州陸廷誥懸魚高標
解牛利刃清丈饒有經綸核查不遺心力廬州
府無爲州知州陳鳴熙才謝鉛華操勵坊表覈
洲勤比戴星字氓霽如覆露湖廣黃州府蘄州
知州趙善紀精詳集事峻潔勵操文勘不遺錙

銖哀益悉中肯繫揚州府江都縣知縣李同芳
茹蘖餐冰潔守越都歷塊宏才蘆葦生春編氓
就日揚州府儀真縣知縣王伉敏練清霜紫電
晶瑩玉露金莖江天日暖蘆泚春融湖廣黃州
府廣濟縣知縣劉胤昌品格祥麟威鳳文章繡
帟雕龍清映花封仁洽蘆甸揚州府泰興縣知
縣楊國柱清骨映月凌露雄才冲霄射斗兼葭
露潤城社風清鎮江府丹徒縣知縣趙昌期粹

品明珠在蚌卓識朗曜當空棠蒂四野蘆著一
 班太平府當塗縣知縣何舜岳皎節秋蟾明淨
 穎才豐劍陸離黠鼠潛踪茁葭滿境常州府武
 進縣知縣楊所蘊皎皎凌霜白璧英英出匣青
 萍風清澤藪日麗郊原鎮江府丹陽縣知縣王
 志道清標翩翩霞映敏才勃勃雲流春回黍谷
 井別蘆洲安慶府桐城縣知縣馬煥賓粹品澄
 潭映月宏才健翮凌霄花縣名高蘆渚惠溥應

天府上元縣知縣吳望岱鴻猷命世駿節參天
 恩膏露潤葭蓬聞望香薰蘭茝太平府繁昌縣
 知縣王桂守貞白璧才利青萍譽隨蘆花紛布
 澤同江水旁洽應天府六合縣知縣張啓宗宏
 猷裕

國雅志匡時指顧鱗鬣立就拊循鮒輟甦生應天
 府句容縣知縣莫嘉義節槩孤騫才鋒矯健福
 星一路共戴蘆賦三則惟明池州府貴池縣知

縣梁夢濬清標俊骨孤節兼才剖決刃游龍髯
撫綏露浥萑葦池州府銅陵縣知縣徐一科不
激不隨有爲有守野絕萑苻之警郊森蔽芾之
陰池州府青陽縣知縣張燭清操藁苦逸度蘭
芳信孚騎竹之先政擅課蘆之最池州府東流
縣知縣趙維藩襟度淵澄猷畧颺馳撫災念切
納溝督賦朗如炤燭江西九江府德化縣知縣
江國選操尙孤貞材猷淬練徵輸完解如期清
丈怨勞不避太平府蕪湖縣知縣曾泰惠徹窮
簷威清城社承委如奉專職理洲大快輿情蘓
州府崇明縣知縣許廷諫當官敏練持已端嚴
勘丈惟公惟明綜理克勤克慎以上諸臣之才
品與其履任之久近雖有不同皆馳驅於洲場
之丈量拮据於畝冊之造報殫力奉公深禪
國計所當悉爲薦揚以備擢用行取之選者也又
查得江西九江府彭澤縣知縣許伯鵬歲課全

完臣曾具揭呈堂於年終舉劾疏內循例彙薦
矣第才類揮霍氣實虛憍五年清丈奉有
明旨至於委任雜職之禁屢經申飭本官薄蘆務而
不親一切付之卑官雜流之手致令欺匿隱漏
大虧舊額前任主事李天培巡行文覈之日該
縣申送冊冊有洲形而無佃名有佃名而無地
數已經駁行改正令其躬行文補臣蒞任後屢
催不報迄于夏盡秋深始得其查補文冊既不

履畝沿址以塞欺隱之實而又翫日愒月以緩
奏繳之期莫非王事莫非王臣何其敢於泄泄沓

沓視

皇上之

明命如弁髦視

皇上之命吏如土梗耶該縣居民李時夔占洲七千
餘畝每年課銀計數七十兩有奇前任郎中徐
九德詳批九江府同知陳師孔勘丈時逾三年

未經申報移檄嚴催而師孔又以該縣之稽遲
爲辭夫洲將題情幾十兩府皆前到檄中命
皇上之洲也課土賦而結練其後幸執吏古而小
皇上之課也占

皇上之洲而不問漏

皇上之課而不問碌碌如臣亦安用寄空名於有司
之上而徒以瘵曠貽羞也假令一官怠事各屬
效尤十數年後不至舉

皇上坍漲不常之洲盡入兼併

皇上急需難緩之課悉歸烏有不止也此一臣者執
拘當官乖方敷政所當重加罰治以振人心於
積翫之日者也伏乞

勅下工部再加查議如果臣言不謬將毛炯等咨送
吏部紀錄以脩擢用行取之選許伯鵬重加罰
治以戒不職其李時夔占佃洲塲容臣嚴檄究
結庶五年清丈不屬虛文而地猾戡乾沒之姦

國課收涓埃之助矣緣係洲場清丈通完屬員功

罪較著循例舉劾以昭勸懲以肅蘆政事理為

此具本專差舍人張忠實捧奏特旨即飭重叅

聞伏候 旨再 欽此

勅旨 欽此

皇 上 聖 訓 不 常 之 隆 蓋 人 兼 於 此 時 宜 慎 守 禮 節 以 示 人 心 外 皇 上 聖 訓 不 常 之 隆 蓋 人 兼 於 此 時 宜 慎 守 禮 節 以 示 人 心 外

南京工部管理蘆政營繕清吏司主事丁自勸
謹

題為地方迭罹災傷懇祈

聖明憫念災黎俯賜優恤酌量蠲免以固邦本事據

安慶府江防同知署望江縣事王可宗申前事

安慶衛指揮同知楊大烈呈為節遭異常洪水

急救軍命倒懸事應天府江浦縣知縣余樞申

為軫救災傷事江西南昌衛管理左屯指揮同

知謝世庸呈爲地方水患異常等事廬州府無
爲州知州陳鳴熙申爲重遭水危異常事各屬
申報災傷情節相同已經批行覆勘的確申報
去後續據安慶府江防同知署望江縣事王可
宗及無爲州知州陳鳴熙等報稱各洲委被水
災伏祈俯憐災民大施蠲恤等因到臣臣因查
得沿江洲場舊止栽蘆生草納課稍輕雖遇災
傷例不蠲免復因佃民陳告墾洲爲田課比蘆

而加重賦以田而倍增冊查各屬洲場田地共
二百六十八萬七千餘畝每年輸納部課五萬
五千二百餘兩以供

上用袍服器皿之需內田課每畝八分七分不等共
田二十四萬九百七十餘畝計課一萬五千六
百餘兩又每年解進

皇莊籽粒銀七千三百九十餘兩內田七萬五千六
百餘畝計籽粒銀三千四百餘兩據申入夏以

來江湖泛溢低窪洲田變爲巨浸麥既不登谷
又失望若賑救不早將霄啼露處者勢必至于
委壑填溝而任土作貢者又豈能得之神輸鬼
運查得萬曆十六年二十六年二次水災該管
蘆主事錢守誠劉魁南
題免各屬田課五分萬曆三十六年四十一年又
遇水災該主事朱一鶚李天培查議量免田課
伍分亦經具

題訖臣目擊今年水災不減往歲且各屬洲民當
災沴頻仍之後貧已徹骨而猶與後來之逢年
值洪波漂沒之餘苦更傷心而徒嗟養生之無
路年復一年災而又災民既不能有其生矣尙
能計畝而課之按藉而責之借官法爲敲骨吸
髓之資攫民財于賣兒貼婦之後哉卽今全
帑藏空虛不敢多議蠲免合無查將所屬在冊洲
場除密稀蘆艸洲灘及高阜田地等處未經告

報渰沒少有秋收者行令照舊完課外其實在
被災地方照依十六等年事例將四十二年課
銀量免五分則災民可免流移額課不致全虧
國計民生似爲兩便如蒙

旨准聽臣查照各州縣衛造報勘明被災實數分別
減免其未被災傷田地不許一槩朦朧混冒候
事完日仍將免過田畝課銀的數類冊呈部
奏繳庶

皇恩蕪災黎之生凶歲無逃亾之屋伏乞

勅下工部再加覆議恭候

命下移咨本部覈實

奏繳庶民力稍寬而供應不匱緣係地方迭罹災

傷懇祈

聖明洞念災黎以固

國本爲此具本專差舍人賡捧謹題請


旨

日本... 聖... 奏... 命... 歷... 星...
先大夫青髮登朝蹉跎拙宦以著譴後天下歿時
余方在襁褓不復紀憶疊遭兵燹尤來大隊頽先
人廬舍幾盡書畫樓空註疏堂毀邊問烏皮几上
物哉嶠遍覓同人庶墨瀋筆膏殘帙賸簡足慰疚
思而神山之覆手澤終屬闕杳也南曹諸疏布在
大史局幸不逐年華俱墜從掌故家鈔之聞諸父兄
先大夫艸疏時自分叵測遣還家人輒席藁以待
竟得

俞肯一時主睿臣直更足識也迺拭淚筆之於後

肯

大清康熙乙巳嘉平吉且不肖男嶢謹識



6280